

RISALA YA WAHITIMU WA KIDATO CHA NNE

2017

ST.PETER CLAVER HIGH SCHOOL-DODOMA

UTANGULIZI

Ndugu mgeni rasmi, mwenyekiti wa bodi ya shule, mkuu wa shule, viongozi mbalimbali wa umoja wa wazazi na walimu(C.P.T.A), wageni waalikwa, walezi , wanafunzi, mabibi na mabwana. Itifaki imezingatiwa. Tulipo mbele yenu ni wahitimu watarajiwa wa kidato cha nne mwaka 2017 katika shule ya St.Peter Claver High School, kwa heshima na taadhima tunawakaribisha katika mahafali ya nne ya kidato cha nne katika shule hii.

HISTORIA YA SHULE YETU PAMOJA NA WAHITIMU

Ndugu mgeni rasmi, shule yetu ilianzishwa mnamo mwaka 2011 ikiwa na wanafunzi 137 pamoja na walimu 12 ikiongozwa na Padre Martin Connell. Kadri miaka ilivyoziwa kwanda idadi ya wanafunzi pamoja na wafanyakazi, walimu na wasio walimu imeongezeka kwa sasa shule ina zaidi ya wanafunzi 1000 na wafanyakazi 120.

Ndugu mgeni rasmi, tulianza kidato cha kwanza mnamo mwaka 2014 tukiwa jumla ya wanafunzi 183, miongoni mwa idadi hiyo wavulana walikuwa ni 143 na wasichana 40 wahitimu watarajiwa mwaka huu ni 194. ujio wenu wote unadhihirisha kuwa mnauthamini na mnaupa kipaumbele mchango mzima wa elimu katika nchi hii ya tanania.

MAFANIKIO YA SHULE

Ndugu mgeni rasmi, kwa upande wa kitaaluma; shule imepata mafanikio makubwa kama ifuatavyo;

I: Shule imeweza kutoa taaluma katika idara zote za sayansi, biashara na sanaa. Aidha wa shule umejitahidi kutosheleza mahitaji ya walimu mahiri na wenye uzoefu kwa masomo yote yanayofundishwa shuleni hapa. kwa sababu hiyo;

Shule inafanya vizuri katika mitihani ya taifa mwaka hadi mwaka kama ifuatayo;

a)Mwaka juzi 2015 idadi ya wanafunzi waliofanya mtihani ilikuwa 181. kimkoa shule ilikua ya kwanza kati ya shule 120 na kitaifa ilikua ya 56 kati ya shule 3,452.

b) Mwaka jana 2016 idadi ya wanafunzi waliofanya mtihani ilikua ni 163. Kimkoa shule ilikua shule ya 4 kati ya shule 121 na kitaifa ilikua 105 kati ya shule 3280 na pia tuliweza kupata mwanafunzi bora aliyepata daraja la 1.7 (yaani division 1.7).

Pia kwa mtihani wa utamirifu (yaani mock) matokeo yalikuwa kama ifuatavyo:

- i) Mwaka 2015 idadi ya wanafunzi waliofanya mtihani ilikuwa ni 181 kimkoa shule ilikuwa ya 02 kati ya shule 50.
- ii) Mwaka 2016 idadi ya wanafunzi waliofanya mtihani ilikuwa 163. Kiwilaya shule ilikuwa ya 02 kati ya shule 50
- iii) Mwaka 2017 idadi ya wanafunzi waliofanya mtihani ilikuwa ni 194. Kiwilaya shule ilikuwa ya 01 kati ya shule 50. Wanafunzi waliopata daraja la kwanza (yaani division 1) ilikuwa ni 179. Wanafunzi waliopata daraja la pili (yaani division 2) ilikuwa ni 13. Wanafunzi waliopata daraja la 3 walikuwa 2. Hatukuwa na division 04 wala 0 mwaka huu.

Vilevile shule yetu inashirikiana na shule zilizopo chini ya kanisa katoliki katika taaluma kama vile kufanya mitihani mbalimbali ya pamoja yaani (JECAS-DOM Joint Examinations for Catholic Schools Association). Shule hizo ni Maria De Mathias, Huruma girls, Bihawana seminary, John merlin na St. Francis Kongwa.

II: Ndugu mgeni rasmi tunafurahi kuwa maktaba ya shule yetu imekamilika na wanafunzi wote tumepewa uhuru wa kujisomea bila shida.

III: Vilevile Kanisa la shule kwa ajili ya ibada mbalimbali nalo limekamilika, limeshafunguliwa na linatumika.

Ndugu mgeni rasmi, elimu inayotolewa na majesuiti ni ya kipekee ambayo inatutofautisha na wanafunzi wa shule nyingine, kwani tunalelewa kimaadili na kiroho, huku tukiongozwa na kauli mbiu yetu ya shule, ambayo ni KUJIFUNZA, KUPENDA na KUHUDUMIA yaani (TO LEARN, TO LOVE, TO SERVE). Ili kuweza kuishi kauli mbiu hii hata baada ya kumaliza masomo, yaani nje ya shule na katika jamii zetu. Kwa kufanya hivyo tumeweza kuanzisha

vikundi mbalimbali vya jamii ambavyo ni Charity Ambassadors yaani (Mabalozi wa Ukarimu), Vocation (yaani miito) na Kairos(yaani kujipa muda na Mungu). Vikundi hivi vimetufanya tuweze kufanya mambo yafuatayo.

i) Tunajitolea katika kusaidia maskini wasiojiweza , wanyonge, kuwahudumia watu wenye mahitaji maalumu kama vile wazee mbalimbali na watu wenye matatizo ya akili, kwa kuwafulia nguo zao, kuwaogesha na kuwafanyia usafi wa mwili kwa ujumla, kusafisha mazingira yao wanayoishi na kula pamoja nao. Tumekuwa tukifanya hivi kwa muda wa miaka minne toka tulipoanza kidato cha kwanza hadi sasa tutaendelea kufanya haya hata tutakapokuwa nje ya hapa katika jamii zetu kwa sababu shirika la kijeuzi limetufundisha namna ya kujitolea, kupenda na kuhudumia watu kwani hii imesaidia kutujenga kimaadili zaidi.

ii) Ndugu mgeni rasmi, pia sisi kama wanafunzi bila ya kuhusisha shule, huwa tunachanga kiasi kidogo cha fedha kutoka katika biashara ndogondogo za vikundi vyetu vya kiroho ambavyo ni (Charity Ambassadors, Miito na Kairos), ambazo biashara hizo huwa tunafanya wakati wa matukio maalum hapa shuleni, na kuwajengea watoto viwanja vya michezo ili kuweza kukuza vipaji vya watoto hao na kuwalipia ada baadhi ya wanafunzi wenzetu wasio na uwezo wa kulipiwa ada na wazazi au walezi wao, ili nao waweze kupata fursa sawa ya kielimu kama wanafunzi wengine.

iii) Ndugu mgeni rasmi, tumejiunga katika mashirika mbalimbali kama vile United Nations(yaani umoja wa mataifa) AHAPPY(AJAN HIV/AIDS Prevention Program for Youth) ambayo yanajihusisha na mapambano dhidi ya ugonjwa wa UKIMWI hasa kwa vijana, kwani mwezi wa sita mwaka jana tulikwenda Arusha kuwaelimisha wanafunzi wenzetu dhidi ya ugonjwa wa UKIMWI.

iv) Ndugu mgeni rasmi pia tumeweza kujiunga na kundi la HAKIMANI (yaani Haki na Amani.) ambalo linadhaminiwa na shirika la kijeuzi lililoko Nairobi nchini Kenya na tumefanikiwa kuzawadiwa tuzo na zawadi mbalimbali.

CHANGAMOTO

Ndugu mgeni rasmi, palipo na mafanikio hapakosi changamoto. Zifuatazo ni changamoto zinazoikabili shule katika kipindi hiki;

(a).**TATIZO LA MAJI**; Ndugu mgeni rasmi, shule yetu imekuwa na tatizo la maji kwa muda mrefu kwani kiasi kilichopo hakikidhi kilichopo hakikidhi mahitaji ya jamii ya shule. Hali hii husababisha ratiba kuvurugika mara kwa mara. Shule ilijaribu kufanya utafiti katika eneo dogo la shule na kuchimba visima vitatu(3). Lakini tulipata maji kiasi kidogo sana ambacho bado hakitoshelezi mahitaji ya shule kwa ujumla ila shule inaeneo kubwa sana ambalo bado halijafanyiwa utafiti.

MAOMBI

Ndugu mgeni rasmi; kutokana na changamoto hiyo ombi letu kwako ni kwamba, tunaomba utuletee watafiti na wataalamu wa uchimbaji wa visima ili kufanya utafiti katika shamba letu la shule na kutuchimbia visima kwani tunaamini kuwa yapo maji ya kutosha katika eneo hili la shule ili tuweze kuondokana na tatizo hili.

HITIMISHO

Ndugu mgeni rasmi, mwenyekiti wa bodi ya shule, mkuu wa shule, viongozi mbalimbali wa umoja wa wazazi na walimu(C.P.T.A), wageni waalikwa, walezi, wanafunzi, mabibi na mabwana, tunaomba mtuombee tuweze kupata matokeo mazuri katika mtihani wetu wa taifa kwani tunaamini kwa uwezo wa Mungu tutafanya vizuri. Wageni mnaoondoka tunawatakia safari njema na wanafunzi mnaobaki zingatieni masomo.

MUNGU IBARIKI AFRIKA,

MUNGU IBARIKI TANZANIA,

MUNGU IBARIKI ST.PETER CLAVER HIGH SCHOOL,

ASANTENI SANA KWA USIKIVU WENU NA MUNGU AWABARIKI.

Imesomwa nami:- NIA RAMADHANI MFAUME

- RODRIECH LILANGA NJELEKELA

Kwa niaba ya WANAFUNZI WOTE WA KIDATO CHA NNE-2017

ST.PETER CLAVER HIGH SCHOOL-DODOMA